

եւ Մանաս գեղերը: Հինգի առուի Բիւշտի առուն ոռոգում է Սեգլի, Պուրակ, (Բլուրակ) եւ Բիւշտի գեղերը, նոյնպէս ձախից միանում է Ջելար առուն, ոռոգելով Սարաջիլ եւ Ջիլայ գեղերը: Լոռի առուակը բղխում է Ակրունդար լճից ու 7600' բարձրութիւնից, անցնում է ոռոգելով Գիւլ-Անահիտ<sup>1</sup> գեղից, մտնում է Լոռի դաշտը, Հայֆ (Սայֆ), մեծ եւ փոքր Լոռի, Ջիրանի (Ծիրանի), Աշուկա, Ջինջէ, Կարաեաշմագ, Քսանթա, Եամբախսի, Խարդիշ, մտնում է Սիւնուր դաշտը, անցնելով Խանձաւերակ, Թումլիա, Զուրակ (Զորակ) գեղերը ընդունում է Սիւնուր առուն, որն անցնում է Սիւնուր գեղից:

Զորողմա 5973 ոտք լեռներէից դէպի հիւսիս արեւելք է ուղղուած իր ընթացքով Պուլուր (Բլուր) առուակը, որը ոռոգում է Եագուրաբդալ, Զորոզմա, Կիպիդի, Մացրա (Մեզրէ), Պուլուր, Իմիլո, Էգնի, Ջիրբէ, Վարուշա, Էմմատի կամ Էրմադի, Փոսուզ, Քելաղբիւր, Ուրէն-Շէհէր<sup>2</sup>, Կիթրար գեղերի

1 Գիւլ-Անահիտի գեղը — աւերակներով, Վարդէ-հերի նման իր բազմալիւր ջրերով եւ խորխոր ձորերով նուիրուած է եղել Անահիտին: Այս ձորերում ջրերը տեղ-տեղ լճակներ եւ ճահճներ են կազմել, որոնք վիշապազանց են նուիրուած:

2 Ուրէն-Շէհէրը մի աւերակ աւանի, կամ նշանաւոր ուխտատեղիի է նմանում, ունի աւերակներ եւ տաճարի մնացորդներ, որոնք պէտք է պեղուին, որ հնար լինի որոշ գաղափար կազմելու: Ինչպէս Յուրէն-Շէհէրը, նոյնպէս